

奏本日呈遞遺疏用殷納誨上則敬天法祖尊養慈闈下則經武整軍用人行政靡不懇摯周詳循覽之餘倍切悲憫朕仰承慈訓追思歷來軍國重事實賴王忠誠匡弼悉協機宜一旦失茲柱石中外臣工諒亦同深感悼爾諸臣用當以恭忠親王為法各據忠忱共濟時艱以竟賢王勤於國家之意欽此

奏疏照錄

廖壽豐片 再浙江省城設立求是書院兼課中西實學所需經費樽節提撥均未動支正項前經臣 奏明在案茲據嘉興縣在籍紳士前廣東雷瓊道朱采以該書院規模已立經費未充捐洋五千元解交藩庫備用聲明不敢邀請獎叙等情前來臣查該紳朱采捐助求是書院經費雖據聲明不敢邀獎惟當此籌款維艱輸輸巨資洵足為振興學校講求時務之助可否懇 恩傳旨加獎俾昭激勸之處出自 逾格鴻施謹附片陳請伏乞 聖鑒訓示謹 奏奉 硃批朱采着傳旨加獎欽此

崇歡片 再查西北兩路將軍大臣攜眷赴任回京例無驛兵接送明文光緒十七年察哈爾都統奎斌等奏整頓台站一摺申明嚴禁彼時將軍永德到任伊始竊欲身為之先奏明函阻烏城派兵往接並請嗣後新任不請蒙語者令其在口隨帶通曉蒙語之人以備傳話有既非弁兵應不致沿途騷擾等語奴才崇歡在任八年體察情形所謂嚴禁之說雖有明文絕無實際至來往不得不藉資弁兵之處約有數端敢為我 皇上陳之邊境瘠區家人無多車輛行李須分起行走防範稍疏輒為蒙古竊取此照料難周者一也從口攜帶通事大半外館商民非官非兵無所顧忌尋藉其傳述語言如暗中作弊更無人與之揭發此防閑不易者二也即使攜帶家人數名在此數年大率因苦求去歷任皆然即以奴才而論現在祇有家人一名將來回京家眷行李在在需人經理不用弁兵斷無能走之理此藉資必需者三也有此三難非有弁兵不可况自禁止之後來往仍用營兵不過捏報官差名目以為掩飾即永德前年奉 旨來京陛見亦係假藉差名攜帶兵役護送未能自踐其言夫事君之道尚實不必尚文况遠處極邊苟屬情有可原 朝廷罔不體恤自將兵弁駝馬定有限制之後亦無從包攬商運且係在官人役如有格外勒索等弊又何難治以應得之罪在祈任將軍貴恆將次出京奴才亦交卸在即特將一切下情據實陳明懇乞 皇上天恩於西北兩路起將軍參贊到任回京准其撥兵接送將軍攜眷所用弁兵不得逾十二人參贊不得逾十人如此辦理似覺責有攸歸如果沿途有勒索情弊一經告發惟該將軍大臣是問以免後來捏報官差徒滋虛矯如蒙 聖恩俞允即照數撥兵往接即新任將軍貴恆及奴才回京

亦得有所遵循矣是否有當附片具陳伏乞 聖鑒謹 奏奉 硃批着照所請該衙門知道欽此

署缺定章○現聞吏部奏定章程各直省州縣缺出該上司等必須遴選委鄰近官員署理倘正印官一時不得其人即遴選鄰近之賢能佐貳官署理如係地方要缺鄰近難得其人則將隔府正印官委署而另委官員以署該員本任之事務期人地相宜俾各屬公務不致遲誤斯有裨益倘該上司有市惠徇情任意委署者一經察出定嚴加濫行委署降調處分云云刻已通行各省一體遵照矣 錄國聞報

南學會問答○答辜天祐問○亂世尚武治世尚文此說固是然古時文武並不分途泰西兵強天下而兵皆入學堂其國用人之法亦未嘗分文武截然為二且其學亦有性理有文詞非專尚武不尚文也天下各國各有教育學派中國教育學派以孔孟孟程為嫡派正傳學者必須講明孔教義理立身乃有根本聰明之士尤須以此範其心志方能立定脚跟否則流入斷地不羈虛矯無實若欲保全聖教亦必先講明孔教義理使中國人外國人皆知孔教之大皆能尊信然後可保不廢如中國讀書人先存蔑視孔教之見何怪外國人不蔑視乎日本於本國所創學派儒教皆從中國朝鮮傳來其舊俗崇釋氏尚武人不重文學豐臣秀吉得明訓封册必使僧人讀之其朝中無文士可知自德川氏柄政稍親儒士於是士人有講漢學者有講宋學者近日盛行西學而漢學宋學皆不講所謂漢學重興者乃其國人以中國之學為漢學非中國之所謂漢學且亦莫幸之詞不知將來如何日本之強在多設學堂廣開民智實事求是上下一心不專在禮義服色之間中國當此變局其法不得不變而欲一切效法日本其勢又未必能孟子曰孔子聖之時者也司馬德操曰識時務者在乎俊傑使孔孟程朱生此時不能舍西學不講中國自有教育學派二千年來信從已久豈能盡棄其學全學西人西學近平格物致知孔孟程朱雖不曾見此等專門之學而其理已具在格致之內中學西學源流雖別而能多讀中西之書比附其義以觀其會通則亦未嘗不可相通兼講西學以補中學可也盡棄中學專用西學不可也學會所以廣開民智聯合學派意主開通不主閉塞而學派有漢學有宋學有程朱之學今又別出中學西學舊學新學互相攻訐有如仇讎現在孔教衰微亟宜破除門戶同心合志共保其教豈可同室操戈故第一次開講即先宜明此旨因有人問程朱陸王之異者為之開示門徑其意仍化異為同各求心得非斷斷有意立異足下不深究其本末徃於世俗詆毀道學之見前次所問實有薄視孔孟程朱專法西人之意並非文致此次所問意猶是也惟於孔孟未敢昌言排擊而於程朱則已明目張膽而詆毀之矣程朱並不迂闊前已詳細講明足下既不

願讀程朱之書前日講義想已見過何猶膠執已見曉曉不已南宋偏安君臣無復繼之志講學諸公何能為力程子是北宋人其時國雖積弱向無大恥足下乃云朱程講學實未嘗痛陳國恥激動民心誤以朱程併為一談似重不知程子是何時人殊不可解以講學不能激動民心為朱子咎亦非可以咎朱子也宋時講學是常事人人有弟子時時可講學不過弟子數十人或朋友數人并未嘗如今日大開學會聚數百人環聽止能開導弟子何能激動民心朱子遭偽學之禁有人上書請斬朱熹雖非因其持論過急而實忌而攻之也朱子當孝宗即位上封事言和有百害無一利元年入對言復讎之義戊申封事直攻君之邪心並言近習用事將帥納賄宰相竊位無臥薪嘗膽之志淋漓痛切毫無避忌視胡銓但請斬一秦檜其忠直猶過之足下於宋一代獨許胡銓謂舉朝皆心死之人是以朱子亦在死之列豈非未見朱子之書乎足下所重者氣節所尚者武功程朱未嘗無氣節但無武功王文成則武功其偉乎兩頭桶諸盜擒寧王宸濠用兵如神變化莫測且一面講學一面用兵尤為奇妙其實無他奇惟以良知之學感動人之良心其所用皆本處鄉民所將皆地方府縣人多以為迂計而卒能成大功良知之學如此有用足下無一字齒及豈非未見王文成之書乎足下云好理學不知曾讀何等理學書而紫陽陽明之書皆似未見夫未嘗學問而自許已學是謂大言欺人未見古人之書並不知其人為何時人而侈口誣先賢謂私心蘊古此皆學者所深戒也足下以中丞言恥熊太史言公法為是以鄙人所言為非急務中丞言恥原本孟子足下亦引孟子之言孟子云修其孝弟忠信不是講學是講甚事太史言公法原本春秋亦是孔子舊學足下既知公法本性理之一端是西學亦講性理矣而中學獨不當講性理又何說也足下年少氣盛好任俠引孟子浩然之氣伊尹聖之任者也孟子學伊尹者也而孟子亦但與弟子講義理未嘗說如何關土地如何朝秦楚至大至剛之氣無執力無血忱乎氣有兩種有正氣有客氣孟子云配義與道是講正氣正氣歷久不變撥苗助長是客氣客氣非不能久若不以義理養浩然之氣專逞虛矯一發無餘偶遇利害頓然消阻始於客氣終於奄奄無氣如中丞所說之人是也中丞已開武備學堂講體操圖算且用西法練兵足下所余者已見之施行矣足下少負大志欲遊歷外洋今有往日學習之便可以遂其志矣然宜先以義理之學養心乃不至染外洋習氣當日出洋學生不先通中學多染習氣僅供買辦通事之用以致譏者謂此中無人才願足下一雪此言也鄙人既承進賢敢效忠告之言所望多讀經史之書兼通中西之學勿恃盛氣勿為大言總要智深勇沈方能擔當重任有用之光陰宜講有用之學問毋好爭辯徒勞翰墨恐長攻擊之風有乖於學會講開

通合羣力之義

瀏陽縣創設致用學堂稟并批

為創設致用學堂商定派費試辦公懇核示存案以宏教育而垂永久事竊惟酌古準今弊必去其太甚圖終慎始事貴審其可行近世以爵祿餌英髦學子以詩文于科第所習無用厥術彌卑人材衰微舉世詬病外夷翊笑三綱頹之微旨用梳積弊匪攻異端瀾邑地處偏隅風鼓舞前議併城鄉六書院為一致用學堂本做省門時務學堂之規因卑為下勢似易行化私為公衆偏難愜其間守舊之黨妄以變法為非羣口競相訾毀盛事幾乎梗阻又洞溪為東鄉一隅之塾未可比南台一邑之公暇城彼分挹注不易當茲創始不厭求詳昨復集耆髦婉商再四乃合一城四鄉之力定派一歲五千緡之款南台派一千緡算館與西北二鄉各派六百東鄉派一千二百南鄉派八百中立團派二百恰足五千均派三載今年所派約俟冬初悉繳瀏通公錢店酌量生息為明年啓館之需如明年不需五千次年儘可減派借南台為講舍收內課四十名外課八十名按錢百千派取內課一名外課二名次年錢即減取課額取仍照舊已冠自三十歲以下未冠自十九歲以下各取一半已冠習中學兼治時務未冠治西文必兼中學教必因材事必務實本孔門博文約禮之訓儲下邑通今博古之材如取效於三年當再集夫眾議必使地足容一邑之才後財足贖一歲之脩膏先宏中學之規模兼及專門之學業或四鄉分設或一邑共籌化偏私之見何事不可求成盡作育之心此舉無難盡善茲為嚆矢仰賴權衡是否有當理合公懇公祖大人賞賜核示俾可遵行並飭存案以垂久遠職等不勝仰企之至謹稟

瀏陽縣黎大令批

併書院為學堂中西預備人才係奉 旨飭辦為當務之急據稟會集復商擬合城鄉六處書院並算學館中立團分別酌派五千串均派三載以明年為始借南台為講舍收內課四十名外課八十名按錢百千派取內課一名外課二名已冠自三十歲以下未冠自十九歲以下各取一半如三年收效再集眾議擇地營建籌款推廣或一邑共籌或四鄉分設等情具見和衷共濟斟酌至善仰即照議舉辦其一切詳細章程并再會商妥擬開摺具覆以憑轉稟上憲立案方今時局孔棘 朝廷增開特科歲舉兩途求才至為迫切此邦士風樸茂及時砥礪必有奇才異能崛起宏濟艱難本縣瀕瀕厥成與有榮焉

黎大令稟學憲稿并批

敬稟者案奉 憲台會同 學憲札開欽奉 上諭增開特科歲舉兩途撰發告示飭即交紳轉發各團編貼曉諭並遵照前奉部議通行或就舊有書院酌量變通或添設學堂以資教育務須認真遵照辦理具覆等因奉此遵查卑縣城鄉書院有六城曰南台東鄉曰獅山洞溪西曰瀾西南曰文華北曰文光皆延師課讀其中肄業諸生雖不乏聰俊可造之資然皆習於帖括終不免為成格所拘當茲時事孔棘卑縣士紳亦自知平日所學無裨於當今亟思變通以革故從新咸期振作因去年省中設立時務學堂延請名師教以當務之學聞風之下莫不鼓舞奮興隨仿設算學館及羣萌學會風氣為之一開繼復欲改書院為學堂以眾論有異同致未議妥茲奉前因 遵即傳集在城各紳悉心籌議以設學堂為急務隨將告示交給該紳等諭令會同各團紳妥商議覆去後茲據職員徐啟先等稟稱職等前議併城鄉六書院為一級用學堂本仿省門時務學堂之規當以眾論未愜未經議妥昨復集耆髦婉商再四詢謀僉同擬暫借南台書院為致用學堂籌舍取內課四十名外課八十名合一城四鄉之力每歲共派錢五千緡為一年膏脩之費按錢百千取內課一名外課二名已冠自三十歲以下未冠自十九歲以下各取一半已冠習中學兼治時務未冠治西文必兼中學教必因材事必務實擇期開辦俟三年後再集眾議擇地營建籌款推廣必使地足容一邑之才俊財足贍一歲之脩膏分別辦理等情前來卑職查該職所議實屬因時變通為多士開日新之路瀾邑士風樸茂及時砥礪必有奇才異能崛起奮起宏濟艱難用以副 朝廷旁求俊乂之至意除再飭令會議妥細章程另行詳請立案外理合將遵飭會紳籌議改設學堂緣由先行稟乞 大人俯賜察核示遵謹稟

撫院陳批 閱稟慰悉變通之速詢謀之同一時殆無與比者仰即如稟辦理仍候 學院批示此繳

學院徐批 據稟該縣會同紳士將南台書院暫借為致用學堂定內外課額數合一城四鄉之力每歲共派錢五千緡作為膏火按錢百串取內課一名外課二名分已未冠各取其半課以中學西文俟三年後再集眾議擇地營建籌款推廣等情具見該令苦志經營盡心教育殊可嘉尚惟查瀾邑士風既稱樸茂地方亦尚充裕必俟三年後再行集議籌款推廣恐該縣早已調遷設後來者不能如賢令尹之勤奮有為則事豈不旋成即應仰再迅即會商

士紳詳籌妥議訂立章程務使事持久遠人材奮興本院有厚望焉切切仍候 撫部院批示繳稟存

議創學堂○自西學創行各省學堂林立獨江蘇省闕如焉有識者紛然疑之謂吳會鍾靈人才蔚起獨惜風氣不開以致性靈汨沒於八股之中絕無有經濟之才出焉是以上月元和縣拔貢汪榮寶籌舉撫憲擬將元妙觀三清殿改造名曰二等學堂招請三十歲以內中西兼通之士為頭班二十歲以內畧通西學者為中班僅通中學者為三班目下尚未批准該地極寬大為省垣中首屈一指特三清殿素號名勝已入府志不識能從權改造否 錄奇聞報

吳漢治兵○東省自德人佔據膠州而後有小刀會匪借樂侮為名揭竿起事一月之間號召游勇馬約有一萬餘人共推李姓為首據在某山劫奪槍械肆無忌憚繼又下書德人約期交戰德人以中國亂民不欲與爭當電致總署即轉電東撫飭速相機勦辦免為外人藉口東撫按電之下集眾會商皆以賊勢猖狂難與交鋒且反形未露不宜激之使來有太守劉某借某守戎情願輕騎入巢曉諭禍福竭力解散軍壯其胆立即遣往劉等僅帶親隨五六人連騎同行入見李匪極言德人開釁據我膠州 皇上恐兵連禍結塗炭生靈故已經畫諾許其駐兵兩等皆係良民世代食毛踐土切勿輕舉妄動上違 諭旨下禍梓鄉李匪謂德人駐兵不退吾等難以出洋無從謀食斷難束手待斃劉等再三勸諭詎有無數散匪一聲吶喊各執刀械蜂擁入內意圖戕官當經李匪假意喝止劉等咸須退避歸事後聞李匪率領醜類暗襲德人德人以未及防備致被小挫現在添兵駐守加倍隄防惟總不敢越膠澳一步云 錄漢報

銀票新製○比利士國近有二十法郎之假票盛行於市官銀行憂之特登諸日報聲明此種假票之弊無如防者雖多法以防而偽者偏出其偽以致城鄉各邑所在皆有於是銀行中特設法創行新式銀票以別真偽其式樣花色絕不與舊制雷同票之正面刻彌乃甫像 彌乃甫女神其足下伏獅子一四面皆有花樣其左繪有圖片式其右即值幾何之號碼也反面並無人像而遍鑄為螺紋路體然秩然各有程式俾作偽者無從模擬其紋線分為四色而經線則作紅色創此票者為魯意底芝君法國聞此消息特向該廠中請頒式樣以新耳目云 錄國聞報

女僕受賞○德國查察女僕執役四十年不易主人者已有一百四十四人由國家將賜特賞徽章以旌其忠噫據此以觀德之典也宜矣僕能忠其主臣能忠其君安得而不與哉 錄蘇報

擴充陸軍○法國現在擬擴太平洋陸軍法國步隊共四十標每標向係三營今則擬各加增一營武職缺額須由二萬八千二百九十員增至二萬八千四百零九員陸軍兵丁須由五十四萬八千五百九十九名增至五十六萬一千一百四十一名以上馬匹須由一十四萬一千七百九十八匹增至一十四萬二千零三十八匹當一千八百九十四年時其兵額不過五萬九千四百八十一名云 錄大公報

飛礮墮雷合記○西報云美國柯而武機械公司新製海軍快礮中安機括能如報時鐘表之自行且顯身僅重英磅四十磅戰士攜之可騎馬可坐腳踏車隨砲有三足架一副若遇敵人猝至沿路即可開放且彈出如飛每一分時能發彈四十顆不必限以時刻近已請官試驗先立一人形靶於二百步外祇歷十六秒時業已擊中百彈所用藥彈又可不拘形勢但以一皮帶引送一彈甫出一彈已入此出彼入如環無端甚矣其巧也然殺人如刈草甚矣其慘也人願可輕言戰哉○電學報云向之用雷者或埋地以上衝或行水以橫擊耳今乃欲飛天以下轟其法置小雷於筐中而借輕氣球一個祇儲尋常之氣三四十磅即可挾雷雷以上升高至英度一千里而止或五百尺而止球下預安一管管中置一電機量敵軍之遠近分電機之遲速既至敵營之上電氣射入球中球遂裂而雷猛墮雷中炸藥觸擊怒發敵人如真遇自天而下之飛將軍立見披靡辟易一人之力可升一球最為簡易且被圍者賴以却敵攻堅者藉以破敵可省無數將士之力西人之於武具誠可謂異想天開矣

錄申報

捐助南學會書籍題名

鳳凰齋希齡捐入

- | | | | | | |
|---------|------|--------|------|------|----|
| 六九軒算書 | 四本 | 稽古錄 | 四本 | 世說新語 | 四本 |
| 梅氏算學叢書 | 三十二本 | 十六國春秋 | 十二本 | 禮記質疑 | 十本 |
| 桂陽直隸州志書 | 十三本 | 臣鑒錄 | 十本 | 西藏圖攷 | 四本 |
| 越南國志 | 二本 | 明儒案 | 二十四本 | 天文歌 | 四本 |
| 道榮堂詩文全集 | 十四本 | 地文歌 | 四部 | 聖武記 | 八本 |
| 毛氏稽古篇 | 八本 | 歷代名臣奏議 | 八十本 | 朔方備乘 | 八本 |
| 摘選會文正奏議 | 十四本 | 皇朝經世文編 | 八十本 | 明賢瑤箋 | 四本 |

湖南公忠報

本報專論時事以規勸人臣為主義
每七日出一本其機器鉛字已派人
赴上海定購茲擬七月初一日出版
暫借湘報館機器代印一俟購辦齊
備再行設館所有章程容續登報布
知 戴展誠 裴健 吳解 同啓

經濟書局

開設長沙省南陽街刻印兌換經史子集時務算學輿地各種
書籍格外公道發售

維新書局

開在湖南省城南正街專辦官板中西史志交
涉公法輿地算學及各種格致圖籍擇期開張

新造木輪

此船係仿蘇河木輪式樣加工製造輕快異常往來長沙湘潭載客甚
為穩便而價極廉每日上午八點鐘開往湘潭晚間八點鐘開回長沙
決不遲誤停泊所長沙在大西門外湘潭在十四總特此告白

定做不纏足雲頭方式鞋

李復泰鞋舖開設南陽街 賜顧者請先交長短寬窄底式不拘何等雜色隨人所喜並售京衛漢式各種靴鞋

印送不纏足歌

凡欲閱者請至南正街翁宅領取

四月二十一日日用各物時價表

物名	每實	價值	比較	物名	每實	價值	比較
銀	兩湘平	一千三百二十八文		銀	兩湘平	九百十六文	
上白米	石	七錢四分六厘		次白米	石	七錢五分	
中米	石	三百四十四文		河東谷	石	三百三十二文	
河東谷	石	三百四十四文		河東谷	石	一千四百文	
洋油	包	一千五百文		洋油	包	四十六文	
茶油	包	七兩一錢		桐油	包	五十六文	
牛油	包	一兩八錢五分		桐油	包	六兩	
牛油	包	一百二十八文		桐油	包	壹千文	
歡喜炭	百斤	六百五十文		桐油	包	十六兩六錢	
中棉花	百斤	十六兩三錢		桐油	包	十五兩五錢	
圓印折表	石一百四十四刀	三兩五錢		桐油	包	三兩	
三印折表	同前	二兩八錢		桐油	包	三兩一錢	
塊煤	石	三百四十文		桐油	包	二百八十文	
柴煤	石	二百十文		桐油	包		

本館申定章程

本月初一日奉 撫憲札飭釐正報章體裁本館同志公同商酌申定章程八條擬自五月初一日起改照新定條例辦理特此布告

一現在用俗話編成工程致富演義其詞雖淺其理却精俾士農工商皆可購讀俟此書編竣再編他書間有論說文字隨時并登

一本報擬添各處訪事廣採新聞并仿國聞報例於 上諭奏牘之後款曰京都新聞曰本省新聞曰各省新聞曰各國新聞曰學會彙纂使閱者一覽咸知

一岳州通商在即湖南應以講求商務為主今擬於本報第四頁將香港上海漢口行情物價逐日編列為表附之本省物價表之後

一省城各店號請登告白者今擬暫為減價第一日告白每字取錢三文 大字 第二日每字取錢二文 第三日每字取錢一文 四日以後每十字取錢八文

一各店號如有新製工巧式樣物件自行刊板繪圖託登告白者本館查其果能於工藝有益可合時好無論登報久暫概不取費并為傳播他省

一各店號如有新到物產屯棧待售者可開列數目住址單交本館彙登告白概不取費

一各店號有能公設商會議立行規託本館登報者概不取費

一凡各店號各公館如有房屋出租者可開條交本館刊登附張概不取費

一凡仁人君子施送藥茶及捐助各善堂錢米託登報者概不取費

一本報銷路日廣前三期訂成之書所存無幾擬自五月初一起每日加印一千張

芷江楊子玉撰

英國得利之工程第二段

英國定有律法不許一黨人專辦一事這是他防弊的意思外國用人都是地方公舉的不由官放由官放就有弊了這公舉是個甚麼辦法大凡一個人再不能討得人人喜歡的若是討得人人喜歡這個人就是個圓溜溜的就是孔夫子的話叫做甚麼鄉愿了但一個人果是好人地方上自有公論那些不喜歡他的人不過平日因

湘報第八十四號

三百三十三